

【蛻變】徐佳妤原作

記得俵仔讀小學個時節，放學轉到屋下興嘍嘍仔<sup>1</sup>同偈分享，上自然課，先生紹介揚蝶仔，佢感覺著當生趣，問偈：「阿姆，做得畜虐毛蟲無？」偈淨聽過有人畜細魚仔、蠶仔<sup>2</sup>、雞油蛄，哪有人畜虐毛蟲？

該時，偈在學校做志工，同圖書室個細阿姊仔打嘴鼓，佢講：「淨愛種一頭柚仔樹抑係柑仔樹，就會有揚蝶仔飛來生卵。你過準備一隻罐仔，裡肚放一支細樹極，恁樣就做得哩嘢。」偈一聽著，心肚當疑狐：自家又無歇在莊下，種一頭柚仔樹就會錫揚蝶仔來，哪有可能？毋過，「狗呷烏蠅，賭造化」<sup>3</sup>罔試看啊。

講來奇怪咧！有一日，正經有一隻揚蝶仔，在偈兜種个柚仔樹脣飛來飛去，飛上飛下。心肝恹：佢在該做麼个呢？偈目金金仔緊看，佢緊攞翼，又對屎肫尾緊屙出細細粒、黃臘臘个卵在葉仔頂。偈細心細意，摘下這皮葉仔帶轉屋下放到罐仔裡背。

幾日過後，幼蟲對卵肚鑽出來，一出世，黏時食忒卵殼。虐

毛蟲當揀食，淨食合意个葉仔，像一個當肚飢个細孺仔，葉仔分佢食到淨淨淨，淨伸葉脈，俵仔都赴毋掣摘葉仔分佢食！佢兜緊食圓身緊大箍，該白烏色个衫褲忒狹，僅可脫下舊衫換青衫。

有時節，蠻皮个俵仔係「頭那插禾串」撩刁佢，佢會跔等臥起圓圓大大个頭那，還過伸出紅紅个角，放出像榴槿恁樣臭胖胖仔个味緒，想愛嚇走欺負佢个人；毋過，若係正經堵著烏仔、油籬蜂，佢兜斯插都毋插。有一擺，偈識看著，自家畜个虐毛蟲毋知分對哪來个蜂仔食忒，衰過个虐毛蟲，瀉都毋掣！一無注意，嘎發生恁樣悲慘个情形，實在得人驚！

虐毛蟲每日都盡命牯緊食葉仔，食到圓身肥卒卒毋知飽。有一日暗晡，看佢辽辽腦轉<sup>4</sup>，葉仔毋食，淨在罐仔肚趑來趑去，毋知在該無閒麼个。佢屙了一堆青青个瀉粑，俵仔問：「佢係發病仔無？仰會屙痢肚？」忽然間，佢趑在該樹極頂，覘絲<sup>5</sup>同自家吊掛起來，摺自家跂等<sup>6</sup>，園在蠶筴<sup>7</sup>肚，像睡忒哩！

過一禮拜零，蠶筴變色，像變奇術樣仔，虐毛蟲對蠶筴肚鑽出來哩啲<sup>8</sup>！毋過，溼溼、皺皺个翼還吉燥，佢定定仔、柔柔仔，當有耐心个等待，正經係老古人言講个：「甘蔗食了一目正一目」，毋好「打卵就愛見黃」。看著這靚膩膩个花仙子，親像係同偈兜講等人生當多道理啊。

<sup>1</sup> 興嘍嘍仔：音 him du du eˋ；興沖沖的。

<sup>2</sup> 蠶仔：音 camˋ eˋ；蠶。

<sup>3</sup> 狗呷烏蠅，賭造化：音 gieuˋ gab vuˋ inˋ, duˋ co fa；狗突然張口去咬飛過的蒼蠅，能否咬到就看運氣。

<sup>4</sup> 辽辽腦轉：音 dinˋ dinˋ noˋ zonˋ；繁忙、躁動不安。

<sup>5</sup> 覘絲：lienˋ siiˋ，吐絲。

<sup>6</sup> 跂等：音 giuˋ denˋ；蜷縮著。

<sup>7</sup> 蠶筴：音 camˋ giabˋ；蠶繭。

<sup>8</sup> 哩啲：音 lioˋ；語氣詞「哩、啲」合音，表示變化已經實現。

【阿咪<sup>1</sup>】李夢花原作

吾屋下從來就毋識畜狗畜貓，一來係阿姆歸日仔做事無閒泊杈，又愛無閒煮三餐，二來係佢當愛淨俐，畜狗仔同貓仔驚怕會遭跳蚤。一直到老弟間房个天篷頂，逐暗晡一群老鼠在該走來走去，呼呼磅磅<sup>2</sup>吵到佢睡毋得，正高不將同上屋个鄰舍，捉一隻細貓子畜來打老鼠。

鄰舍个貓嫲這胎正養兩隻，一隻就係吾屋下這隻，灰色間<sup>3</sup>白色同豬肝色花刺花刺<sup>4</sup>，看起來當精靈、當得人惜，佢兜喊佢「阿咪」。另外該條柑仔色間白色，乜異靚，分雜貨店个叔姆捉去畜。阿爸講新捉來个貓仔，定著愛綯到有四支桌腳个下背幾日仔，恁樣正會認屋，阿爸就摺佢綯到桌腳下。正經有影哦！幾日仔放佢，阿咪就乖乖乖，毋會儘採走。

因為毋識畜過貓仔，阿姆乜毋知愛分佢食麼个？人講：貓愛食臊。阿姆就用四破魚攪飯飼。一站仔過後，阿爸講：「毋好分

佢食忒飽，慣勢咧就毋會去打老鼠。」聽雜貨店个叔姆講厝屋下該隻，就係食到肥固固仔，日日食飽睡、睡飽食，連老鼠在脊頭過，佢就目珠擘開睜一下，做佢睡。該幾日逐朝晨，阿爸就去豬砵買一坵豬肝分阿咪食。第一擺豬肝買轉來，阿姆愛拿來煮熟，阿爸煞煞講：「分貓仔食生豬肝，係愛佢慣食生个味緒，正會去打老鼠，該下二擺佢打著个老鼠，你愛煮熟正分佢食係無？」阿爸講个異有理，佢兜聽了哈哈大笑。

阿咪日時頭走到倉庫睡目，暗晡頭就係佢行動个時間，在暗摸脊疏个暗晡頭，看著佢个目珠仁，像兩粒青色个寶石樣仔當金當靚，灶下个黃蚩趲來趲去，佢一爪搭一隻，非常流掠。就毋知佢曉打老鼠無？毋過，自阿咪來了以後，老弟間房个天篷，就無老鼠在該跳舞哩。

毋多知仔，阿咪畜有十四年咧，照偲人个年齡換算，佢有七十零歲哩。該日阿咪懶蜴蜴仔無精神，食个東西又嘔出來，好得看過獸醫注射過，幾日仔就好吧。阿姆笑笑仔對阿咪講：「你同佢共樣，老咧。」阿咪當像聽得識樣仔，第二日打隻細老鼠挑挑放在灶下，像係愛摺阿姆講：「莫笑佢老刀嫲無鋼——奈毋何，佢還異慶哪！」動物除了毋會講話，佢兜同人共樣，係有感情有靈性个，還有該種毋認老个打拚精神啊。

<sup>1</sup> 阿咪：音 a' mi；貓的名字。

<sup>2</sup> 呼呼磅磅：音 bin bin bong bong；狀聲詞，形容老鼠在天花板跑動的聲響。

<sup>3</sup> 間：音 gam；摻雜調和。

<sup>4</sup> 花刺花刺：音 fa' la' fa' la'；花色混雜。

【𧈧𧈧仔<sup>1</sup>】徐姿華原作

記得讀二年生該年，連續漚雨<sup>2</sup>幾下禮拜，落到人都硬硬會生菇哩！直直到拜三朝晨正斷雨腳<sup>3</sup>，當晝放學還有日頭花對貴貴个烏雲肚箭出來，大家都當歡喜，排列行出學校門。著等水靴仔、蠻皮个細佬仔就開始涉水<sup>4</sup>搞，泥水激到脣項个細妹同學吱吱滾，緊閃、緊跳、緊走，笑聲、鬧聲、罵人聲，掄等轉好个天時，大家个心情也像慢慢仔散忒个烏雲緊來緊開。

偌同老弟轉到屋面前个楓樹伯公下，看著一陣細細隻、頭大大、烏烏个魚仔在路脣落雨過後个細水窟肚，汨來汨去當生趣。偌兩儕跼等看到毋記得好轉，阿婆等無偌兜，行出禾埕大聲咁，偌兜正真毋甘願个行轉屋下。

偌兩儕晡著阿婆去睡當晝个時節，偷偷仔拿等空个乳粉罐仔，去楓樹伯公下捉魚仔。驚大人知著會罵，偌兜就同捉著个六尾魚仔，偷偷仔畜在書桌下，愛去上課同放學轉都會先去看一下，等愛寫字个時節正同佢兜拿出來放在桌頂，陪偌兜寫字。

第三日打早，老弟去看魚仔了後赴等愛去上課，乳粉罐仔無

放好勢嘎橫忒，等偌兜下晝轉到屋下，水硬硬會流淨咗，罐頂淺淺个水肚伸著一尾魚仔定定，另外五尾魚仔燥死在書桌仔下咧。偌兩儕當傷心，同五尾魚仔埋在花園肚个桂花樹下，希望佢兜做得鼻得著桂花个香味。伸著該尾細魚仔，偌兜就過較細心細意照顧佢，大約一禮拜換一到水，還分佢食嫩嫩个菜葉仔。

十外日過，該尾魚仔嘎生出兩支腳，偌兜試著魚仔會生腳當生趣，忍毋核偷偷仔同阿爸講，阿爸看咗講：「該毋係魚仔，係『𧈧𧈧仔』、𧈧仔个細人仔。」差毋多又過一禮拜，𧈧𧈧仔又生出前腳哩，佢有四隻腳還有尾，在水肚汨來汨去，當風神。

學校放暑假哩，阿姆同往年共樣帶偌兜轉姐婆屋下寮一禮拜，偌兜心肝肚掛吊等書桌下个𧈧𧈧仔，𧈧曾𧈧<sup>5</sup>就緊討愛轉。一轉到屋下，老弟黏時蹤入間肚，跔等就噉到大嫲聲，偌兜赴毋掣攞包袱仔，就煞煞走入間肚去，看佢做麼个噉？老弟指等空空个乳粉罐仔，同脣項个跳啊跳个𧈧仔，噉到緊發噎<sup>6</sup>，講：「鳴……𧈧𧈧仔……，分𧈧仔食忒咧啦！鳴……」，阿爸聽著，緊掌老弟个頭那，忍等笑同老弟講：「大戇佬，若𧈧𧈧仔大哩，變做𧈧仔咧啦！毋係分𧈧仔食忒。莫噉啦！」，老弟聽著恁樣講，正轉笑面。

因為童年畜「𧈧𧈧仔」个經驗，分老弟對自然科學當有興頭，這下老弟既經係當受學生仔歡迎个自然科先生，也輒輒會帶細人仔滿哪仔去做研究呢！

<sup>1</sup> 𧈧𧈧仔：音 guai` ngiam e`；蝌蚪。

<sup>2</sup> 漚雨：音 eu i`；下很久的雨。

<sup>3</sup> 斷雨腳：音 ton` i` giog`；久雨終於停了。

<sup>4</sup> 涉水：音 zeb sui`；腳踏入水中。

<sup>5</sup> 𧈧曾𧈧：音 mang` qien` mang`；時候未到。

<sup>6</sup> 發噎：音 bod` ed；哭得喘不過氣來。

